

IN THE FORMATION OF THE SOCIO-SPIRITUAL THINKING OF YOUNG PEOPLE IN THE MUSICAL ART OF THE GREAT SCHOLARS OF THE EASTERN RENAISSANCE POSITION HELD

Ulugbek Rahmonov,

Alijon Ergashev,

Mavludaxon Nazhmetdinova,

Teachers of the Faculty of Art History of Fergana State University.

Student **Shohista Usmonova.**

Abstract: It is known from the historical development of any country that the rapid development of a country, its achievements, the prosperity of its people are closely linked with the level of attention paid to the education and future of young people in that country. Every nation wants to see perfection in its future generation. The Uzbek people, in their culture and spirituality, pay special attention to the education of perfect people, and the cultivation of such trees of perfection has always been important. Physical and spiritual beauty play an important role in human development. That is why today in our country special attention is paid to the upbringing of aspiring and energetic young people who have modern knowledge and skills, who can take responsibility for the decent future of our country.

ЁШЛАРНИ ИЖТИМОЙИЙ-МАЪНАВИЙ ТАФАККУРИНИ ШАКЛЛАНТИРИШДА ШАРҚ УЙҒОНИШ ДАВРИДАГИ БУЮК АЛЛОМАЛАРИНИНГ МУСИҚА САНЪАТИДА ТУТГАН ЎРНИ.

Фарғона давлат университети “Санъатшунослик” факультети ўқитувчилари Улуғбек Раҳмонов,
Алижон Эргашев, Мавлудахон Нажметдинова.
Талаба Шохиста Усмонова.

Ҳар қандай давлатнинг тарихий тарққиёт йўлидан маълумки, юртнинг жадал ривожланиши, муайян ютуқларга эришиши, халқнинг фаровон бўлиши ўша давлатда ёшлар таълим-тарбияси ва келажагига бериладиган эътибор даражасига чамбарчас боғлиқ. Ҳар бир миллат ўз келажак авлодида комилликни кўришни орзу қилади. Ўзбек халқи ҳам ўз маданияти ва маънавиятида комил инсонлар тарбиясига алоҳида эътибор берган ва бундай комиллик дарғаларини етиштириш ҳар бир замонда муҳим саналган. Инсон камолатида эса жисмоний ва маънавий гўзалик муҳим аҳамият касб этади. Шу боис бугунги кунда юртимизда замонавий билим ва кўникмаларга эга, мамлакатимизнинг муносиб келажаги учун жавобгарликни ўз зиммасига ола билладиган, интилувчан ва серғайрат ёшларни тарбиялашга алоҳида эътибор қаратилмоқда.

Ҳозирги кунда дунёда глобаллашув жараёнлари кучайиб, тинчлик ва барқарорликка қарши янги таҳдид ва хатарлар тобора кўпайиб бормоқда. Бундай мураккаб ва таҳликали вазият мамлакатимизда жамият ҳаётининг маънавий-маърифий асосларини мустаҳкамлашда, миллий ғоянинг асосий тушунча ва тамойилларини ҳаётга жорий этиш, ёш авлод қалбида Ватанимиз тақдири ва келажаги учун дахлдорлик ва масъулият ҳиссини ошириш, ёт ғояларга қарши мафкуравий иммунитетни кучайтиришга йўналтирилган тарғибот тизими шакллантириш зарурдир.

Ўзбекистон Республикаси Президенти Ш.Мирзиёевнинг 2017 йил 28-июлдаги “Маънавий-маърифий ишлар самарадорлигини ошириш ва соҳани ривож-лантиришни янги босқичга кўтариш тўғрисида”¹ги ва 2019 йил 3-майдаги “Маънавий-маърифий ишлар самарадорлигини ошириш бўйича

¹ Ўзбекистон Республикаси Президенти Ш.Мирзиёевнинг 2017 йил 28-июлдаги “Маънавий-маърифий ишлар самарадорлигини ошириш ва соҳани ривож-лантиришни янги босқичга кўтариш тўғрисида”ги Қарори. Халқ сўзи газетаси. 2017 йил 29 июль.

қўшимча чора-тадбирлар тўғрисида”ги Қарорлари республикамызда маънавий-маърифий ишларни ривожлатиришда муҳим меъёрий ҳужжат сифатида асос бўлиб хизмат қилмоқда.

Юртимиз ижтимоий-маънавий ҳаётига кейинги йилларда тобора чуқур кириб бораётган, халқимиз тафаккури, ҳаёт тарзида мустаҳкам ўрин эгаллаётган “Янги Ўзбекистон-янги дунё қараш”, “Янги Ўзбекистонда эркин ва фаровон яшайлик”, “Янги Ўзбекистон”, “Миллий тикланишдан-миллий юксалиш сари”, “Янги Ўзбекистон-янги Ренессанс сари”, “Учинчи Ренессанс” каби ғоялар мамлакатимиз тараққиётининг тамомила янги босқичи ва даражасини белгилаб бераётганини алоҳида эътибор этиш лозим. Юқорида эътироф этган барча ғоя ва тушунчаларнинг калити – бу илм-фан ва таълим ҳисобланади. Агар биз тарих саҳифаларига эътибор берсак, Марказий Осиё ўз тарихининг ҳар бир даврида диний ва табиий фанлардаги янги билим ва ёндошувларга кенг қучоқ очган. Юртимиз ҳар доимо янгилик ва танқидларга очик, ўз кучи ва салоҳиятига ишонган маданият сифатида ҳукм сурган. Худудимизда кенг ривож топган мадраса ва расадхоналар билан бир қаторда физика, математика, тарих, география, фалсафа ва мусиқа санъати каби фанларни ривожланиши билан эътиборли бўлган. Ҳозирги кунда ижтимоий тармоқларига кириб келган “Ренессанс” сўзи нима маънони билдиради. “Ренессанс” сўзининг луғавий маъноси, бу французча бўлиб “қайта туғилиш” деган маънони англатади. Атама сифатида унинг мазмуни анча кенг маданиятда, илм-фанда, санъатда, таълим-тарбияда, умуман, жамиятда узоқ муддатли турғунликдан кейин қайта жонланиб, тез ривожланишни, ижтимоий онг ва қадриятлар тизими янги сифат босқичига чиқишини билдиради. Илк бор атама Европада ўрта асрлар мутаассиб-гидан кейин XV-XVI асрлардаги ривожланиш даврига нисбатан қўлланилган. Ренессанс аталмиш мазкур ижтимоий ҳодиса ўзбек тилига Уйғониш даври-деб ўгирилган.

Ҳозирги ижтимоий-сиёсий ибора билан фикр юритадиган бўлсак, ҳақиқатдан, тарихан олганда, бизнинг юртимиз икки Ренессансни бошидан ўтказган. Биринчиси, IX-XII асрларда ва иккинчиси XIV асрнинг охириги чораги-XVI асрнинг биринчи чоракларига тўғри келади. Агар илмий жиҳатдан ёндошадиган бўлсак, биринчи Ренессансда юртимиздан Ал-Фарғоний, Ал-Хоразмий, Ал-Форобий, Абу Райҳон Беруний, Ибн Сино, Юсуф Хос Ҳожиб, Маҳмуд Кошғарий, Маҳмуд Замахшарий каби буюк даҳолар, буюк муҳандислардан Ал-Бухорий, Ат-Термизий, мутакаллимлардан Имом Мотуридий ва Абул Муин Насафий ҳамда бошқа атоқли дунёвий ва диний алломалар шуури оламни ёритди². Иккинчи Ренессансда – Мирзо Улуғбек, Гиёсиддин Жамшид Коший, Қозозода Румий, Али Қушчи, Мавлоно Лутфий, Абдурахмон Жомий, Алишер Навоий, Камолиддин Бехзод каби буюк меъморлар, бастакорлар, мусаввирлар, шоирлар, тарихчилар чиқиб, дунёни лол қолдирган асарлар яратганлар. Ҳар икки Ренессанс даврида бизнинг юртимиз дунёнинг илғор, мутараққий халқлари қаторида эди.

Янги Ўзбекистонда амалга оширилаётган ислоҳатлар, халқимизнинг бой илмий-маданий мероси, мамлакатимизда илм-фан, санъат ва маданият соҳалари-да эришилаётган ютуқлар, аҳолини, айниқса, ёшларда ёт ғояларга қарши мафкуравий иммунитетни кучайтиришда, миллий қадриятлар ва анъаналарни асраб авайлаш ва кенг трағиб этишда мусиқа таълими ва санъатини ўрни беқиёсдир.

Юртимизда барча соҳаларда амалга оширилаётган ислоҳатлар қаторида ва маданий-маърифий ривожланишни ўзига хос йўлини танлаши натижасида, таълим муассасаларида келажагимиз бўлган ёшларга мусиқа таълими бериш соҳасида олиб борилаётган тизимини қайта ташкил этиш зарурлиги бугунги кун талаби сифатида яққол кўриниб қолди. Ўсиб келаётган ёш авлодни ҳар томон-лама камол топтириш, уларда миллий анъаналар ва санъатга бўлган қизиқиш-ларини, тафаккурларини ривожлантириш, миллий санъат асарлари билан таништириш ҳамда ўргатиш ҳозирги кундаги энг муҳим вазифалардандир.

Мусиқа-инсон ҳиссий кечинмалари, фикрлари, тасаввур доирасини мусиқий товушлар изчиллиги ёки мазмун воситасида акс эттирувчи санъат тури. Мусиқа инсонни маънавий-ижтимоий тафаккурини шакллантиришда, улардаги турли кайфиятларни, яъни кўтаринкилик, шодлик, завқланиш, мушоҳадалик, ғамгинлик, хавф-қўрқув ҳислатларини инсонни ҳис-туйғула-рини, орзу-умидларини, хохиш-истакларини ўзига хос бадиий тилда ифода этиб ўзида мужассамлантиради. Мусиқа - ҳам фан, ҳам санъатдир. Чунки, мусиқа ҳар доим ривожланиб турувчи жонли санъатдир.

² Каримов Ш., Шамсутдинов Р.Т. “Ватан тарихи”. Т., “Ўққитувчи”.1997.

Мусиқа инсон умрини доимий йўлдоши, мусиқа инсонни юрагига чуқур кириб, уни ички кечинмаларини акс эттирувчи кучга эга³.

Агар биз ўзбек халқининг миллий анъаналари ва қадриятларини ўзида мужассам этган ўтмиш маънавиятимиз тарихига мурожаат этсак, мусиқа асарлари ижросида аждодларимиз бир-бирларини тарбиялаш борасида кўпгина амалий ишлар қилишган. Мусиқа санъатида ўзининг илмий рисоалари билан тарихда из қолдирган мутафаккирларимиздан Абу Наср Форобий “Илмларнинг келиб чиқиш тўғрисида”ги асарида мусиқа санъатининг сеҳр кучи, мўжизакор таъсири, инсон маънавий камолоти ва саломатлигини мустаҳкамлашдаги аҳамияти ҳақида шундай фикр юритган: “Бу илм шундай маънода фойдалики, у ўз мувозанатини йўқотган одамлар хулқини тартибга келтиради, мукамалликка етмаган хулқни мукамал қилади ва мувозанатда бўлмаган одам хулқини мувозанатини сақлаб туради. Бу илм таннинг саломатлиги учун фойдалидир, чунки, тан касал бўлса, руҳ ҳам сўлади, тан тўсиққа учраса руҳ ҳам тўсиққа учрайди. Шунинг учун мусиқа асбобларида ижро этиладиган созлар овозининг таъсири руҳни соғайтириш ёрдамида тана соғайтирилади, руҳ эса ўз кучларини тартибга солиб, ундан озуқа олади”-деб таъриф берган⁴. Форобий мусиқага инсон ахлоқини тарбияловчи, сиҳат-саломатлигини мустаҳкамловчи восита-деб қараган. Шу билан бир қаторда буюк бобокалонимиз Абу Наср Форобий “Мусиқа ҳақида катта китоби”да ўрта асрнинг йирик мусиқашуноси сифатида машҳур бўлган. У мусиқа илмини назарий ва амалий томонларига, яъни куйлар-нинг ички тузилиши, унинг қонуниятларини ҳисобга олиб таъриф берган ва илмий асосда шахрлаб ўтган. Мутафаккур мусиқа назариясида товушлар вужудга келишининг табиий-илмий томонларига эътибор берибгина қолмай, куйлар гармониясининг тузилиш йўллари ва қонун қоидалари ёзма асосда келтирган. У Шарқ мусиқасининг ритмик асосини далиллар билан изоҳлаб берган. Яъни, ритм ҳақидаги таълимотида тез ёки суст суръат билан боғлиқ, урғули-урғусиз (кучли ёки кучсиз ҳисса) шу билан қаторда шартли қабул қилин-ган сўзларни талаффуз этишга асосланганлигини, ритмларни ташкил этган зарб бирликлари бўлган нақралар, уларнинг бирикмасидан ҳосил бўладиган рукнлар-нинг турли хиллари асосида яратиладиган ритм ўлчовлари ва турларини ёритиб берган. Бу илмий қўл ёзмани энг муҳим томони шундаки, Шарқда маълум булган мусиқа асбоблари, жумладан, рубоб, танбур, ноғора, уд, қонун, най каби созларни куй ижро этиш қоидаларига изоҳ бериб ўтган.

Абу Али ибн Сино таъбирига кўра “Мусиқа қалб кучларига руҳий бахш этади, уни ортиқча ҳаёллардан тозалайди. У яхши кайфият яратиш, қувноқ хиссиётлар ҳосил қилиш орқали шифобахш таъсир қилиши мумкин” – деб изоҳ берган⁵. Биз Абу Али ибн Сино таълимотига илмий жиҳатдан ёндошсак, аллома яшаб ижод қилган Урганч, Рей ва Ҳамадон каби марказий шаҳарларда бастакорлар, устоз хонанда ва созандалар ижодининг барқ уриши, мусиқа тафаккурининг юксак намуналаридан бўлган мақомларнинг жорий қилиниши, мусиқа илмига ҳам катта эҳтиёж туғдирган. Мусиқа илмига оид турли қарашлар Ибн Синонинг кўплаб асарларида ўз ифодасини топган. Масалан, “Шифо” номли китобининг “Жавом илм-ул мусиқий” деб номланувчи бўлими, “Нажот” китобининг “Мухтасар илм-ул мусиқий” каби бўлимларида мусиқаниннг қонуниятлари ва ички хусусиятлари рақамлар тарзда ифода этилган. Бу соҳада Шарқ мутафаккирлари, жумладан, Ибн Сино ҳам, қадим юнон анъаналарини давом эттириб, янги Шарқ мусиқаси шароитида ривожлантирган. Ибн Синонинг мусиқий қарашларининг асосий хусусияти, шу билан бир қаторда Форобий таълимотидан фарқли томони шундаки, Ибн Сино ўз мусиқий назариясини товушнинг физик хусусиятларига асосланиб тузган. Мусиқа қонуниятларини товушнинг физик хусусиятлари асосида аниқлайди. Форобий эса мусиқани тажриба ва идроклаш, қонуниятлари билан боғлайди. Бунда Ибн Сино таълимотининг муҳим томони шундаки, мусиқани фақат тажрибага боғлаб қўймасдан, уни фан ва тафаккур ёрдамида ривожлантиришга катта эътибор берган. Ана шунинг учун ҳам унинг мусиқий қарашлари илмда чуқур из қолдирган, шунингдек, Шарқ ва Ғарб мусиқа илми-нинг ривожланиш жараёнига катта таъсир кўрсатган.

Шуни айтиб ўтиш жоизки, ҳозирги айна кунларда илгари сурилаётган “Янги Ўзбекистон – янги Ренессанс сари” мавзусига оид жуда кўп Шарқ Уйғониш даврининг буюк алломаларини мусиқа

³ Маънавият юлдузлари. – Т. : Мерос, 1999.

⁴ Исҳоқ Ражабов. «Мақом асослари». Тошкент.1992 й.

⁵ Хайруллаев М.М. Уйғониш даври ва Шарқ мутафаккирлари. Т.; Ўзбекистон. 1971.

санъати тўғрисидаги илмий қарашларини алоҳида руқунлар остида илмий асосда ёритиш ва ёш авлодга етказиш даври келди. Бунинг учун бундай илмий конференцияларни мақсадли асосда ўтказиб бориш зарур-деб ўйлаймиз.

Муסיқа санъати инсонни маънавий-ижтимоий тафаккурини ривожлантиришда асосий омил сифатида шахснинг шаклланишига кучли таъсир этиш ҳаётда исботланган. Оилада, мактабгача таълим ташкилотларида, умумтаълим мактабларида ва мактабдан ташқари таълим муассасаларида муסיқа машғулотларини мақсадга мувофиқ тарзда уюштирилса, ёш авлодни маънавий ички дунёсини бойитишда муҳим воситадир. Ҳар бир миллатнинг ўз миллий товушлари ва миллий ижро этиш услублари бор. Ҳозирги кунда “Оммавий маданият” деб ёт бўлган муסיқа оҳанглари миллий, маънавий-мафкурамизга кириб келаётган муסיқалар ҳам йўқ эмас. Бундай муסיқа оҳанглирига ижрочилар ўзларини шахсий тўғуларини оҳангларда ифодалаб, кенг омма орасида янгилик яратдим деб ҳеч қандай муסיқий услуб йўналишларига тушмайдиган ижролар орқали инсонлар тафаккурига зиён етказётганлиги ҳозирги кунда ҳеч кимга сир эмас. Ҳатто, бундай муסיқа кўринишларни оммавий ахборот воситаларида берилаётганлиги, катта-катта сахналарда, тўй-томошаларда, транспорт воситалари радиоларида ижро этилаётган муסיқа асарлари эшитувчиларни маънавий-мафкурасига, тафаккурига салбий таъсир кўрсатаётганлигини гувоҳи бўлмоқдамиз. Айниқса, бизнинг миллий анъаналаримизга, қадриятлар ва урф-одатларимизга, ахлоқ-одоб қоидаларига мутлоқ тўғри келмайдиган ижро услублар ёшлар ҳаётига кириб келаётганлиги, уларни маънавий-ижтимоий муҳитга таъсир этаётганлиги соҳа вакилларини ранжитмай қолмайди.

Фойдаланилган адабиётлар.

1. Ўзбекистон Республикаси Президенти Ш.Мирзиёевнинг 2017 йил 28-июлдаги “Маънавий-маърифий ишлар самарадорлигини ошириш ва соҳани ривож-лантиришни янги босқичга кўтариш тўғрисида”ги Қарори. Халқ сўзи газетаси. 2017 йил 29 июль.
2. Ўзбекистон Республикаси Президенти Ш.Мирзиёевнинг 2019 йил 3-майдаги “Маънавий-маърифий ишлар самарадорлигини ошириш бўйича қўшимча чора-тадбирлар тўғрисида”ги Қарори. Халқ сўзи газетаси. 2019 йил 4 май.
3. Ўзбекистон Республикаси Президенти Шавкат Мирзиёевнинг “Адабиёт ва санъат, маданиятни ривожлантириш - халқимиз маънавий оламини юксалтириш-ишни мустаҳкам пойдеворидир”-номли нутқи. Халқ сўзи газетаси. 2017 йил август сони,
4. М.М.Хайруллаев. Абу Наср Фиробий. Тошкент. 1996 йил.
5. М.М.Хайруллаев. Уйғониш даври ва Шарқ мутафаккири. Тошкент.1971 йил.
6. И. Ражабов. Мақом масаларига доир.Тошкент. 1963 йил.
7. А.Эркаев. Учинчи Ренессанс-миллий ғоя сифатида. Янги Ўзбекистон газетаси. 2020 йил 9 сентябрь.
8. О.Матёкубов. Ибн Сино ва муסיқа. Совет Ўзбекистони санъати журнали. 1980 йил. №8-сон.